

Kalaallit Nunaanni eqqartuussinnermi sulianik nalunaaruteqartarneq pillugu nalunaarut

Kalaallit Nunaanni eqqartuussisarnermi inatsimmi § 140, imm. 1, tak. inatsit nr. 305, 30. april 2008-meersoq, naapertorlugu aalajangersarneqarpoq:

§ 1. Nalunaaruteqarneq allakkatut nalunaarutigineqassanersoq, allakkerikkut nalunaarutigineqassanersoq imaluunniit aggeqqusissummik nalunaarutiginnittartoq aqqutigalugu nalunaarutigineqassanersoq naalunaaruteqarnissamik aallartitsisup aalajangertassavaa.

Imm. 2. Taamaattorli inuinnaat eqqartuussivik peqataatinnagu allakkerikkut nalunaarutiginnissinnaanngillat.

§ 2. Allakkat ataatsit nalunaarutit nalunaarfigisamut tunniunneqassapput, ataaserlu alla nalunaaruteqarnissamik qinnuteqartumut piaartumik tunniunneqassaaq.

Imm. 2. Nalunaarut pineqartumut apuullugu tunniunneqarsimangippat nalunaarut tigusissamut tunniunneqartussaq ullulerlugu nalunaaqutarlu taallugu uppersaaserneqassaaq. Allakkat ataatsit nalunaaruteqarnissamik qinnuteqaateqartumut utertillugit tunniunneqartut aamma nalunaarfigineqartumut/-nut piffissamik sumiiffimillu tamatigut uppersaaserneqartassapput. Nalunaartoqarsimangippat kingusinaartoqarsimappalluunniit tamatumunnga pissutaasoq pineqartullu sumiissimanera taaneqassapput. Aamma taakku taaneqassapput nalunaarut allamut tunniunneqarsimappat. aq, Nalunaarutigineqartussap assilinera nalunaaruteqarnissamik qinnuteqartumut utertillugu tunniunneqartoq pisuni tamani piffissaq nalunaaruteqarfiusoq sumilu nalunaaruteqartoqarnersoq pillugu aammalu inuk inuilluunniit nalunaaruteqarfineqartut pillugit oqaaseqaateqartoqartassaaq.

§ 3. Nalunaarfigineqartussap najugaa, sumiiffia suliffialuunniit pillugit paasissutissat pigineqartut tunngavigalugit nalunaartoqarsinnaanngippat aamma

innuttaasut nalunaarsorsimaffiannut allanulluunniit saaffiginnikkut paasissutissanik nutaanik pissarsisoqarsinnaangippat paasissutissat taamaattut pissarsiarineqarnissaannut politiit qinnuigineqarnermikkut ikiutissapput.

Imm. 2. Politiit misissuinerannut atatillugu nalunaarfigineqarsinnaasumik naapitsisinnaappata nalunaarnek politiit isumagissavaat.

Imm. 3. Nalunaarnissaq iluatsinngippat tamatuminnga nalunaaruteqarnissamik qinnuteqartoq piaartumik ilisimatinneqassaaq.

§ 4. Kalaallit Nunaanni Eqqartuussivimmik aamma Nunatta Eqqartuussisuuneqarfiani nunap eqqartuussisuuneranik isumaqatigiinniarnep kingorna ilitsersuut tunniunneqartoq atorlugu nalunaaruteqartarnermi maleruaqqusanik erseqqinnerusunik Politimesteri aalajangersaassaaq.

§ 5. Aatsisartut inatsimmi taaneqartunik aggeqqusissutunik ingerlassisut inummut nalunaarummik angussivigineqartumut ataatsimut 24 kr.-inik aningaasarsissapput. Aggeqqusissummik aatsisoq angussinngitsoorpat aningaasarsiassat taakku aamma tunniunneqassapput. Aatsiffigisaq najukkamut allamut nuussimappat maleruaqqusami oqaaseqatigiit siulliit aappaallu malillugit nutaamik aningaasarsititsisoqassaaq.

§ 6. Nalunaarut manna ulloq 1. januar 2010 atuutilerpoq.

Imm. 2. Tamatuma peqatigisaanik Kalaallit Nunaanni eqqartuussinermi suliat pillugit nalunaaruteqartarnermik nalunaarut nr. 431, 24. august 1976-imeersoq atorunnaarsinneqarpoq.

Inatsisinik Atortitsinermut Ministeriaqarfik, ulloq 15. december 2009

BRIAN MIKKELSEN

/ Jens Røn